

Ermina Mehmedović, BA prava - Magistarski rad

Fakultet/Akademija	PRAVNI FAKULTET
Tip Rada	Magistarski rad
Kandidat, zvanje	Ermina Mehmedović, BA prava
Naziv Teme	Zaštita osiguranika potrošača kod ugovora o osiguranju života
Rezime/Abstract	<p>Ugovor o osiguranju života je dvostranoobvezni, imenovani ugovor kod kojeg je jedna ugovorna strana - osiguravač dužna isplatiti unaprijed određeni fiksni osigurani iznos korisniku osiguranja nakon što nastupi osigurani slučaj, druga ugovorna strana - ugovarač osiguranja ima dužnost nakon zaključenja ugovora a prije nastupanja osiguranog slučaja da uplati utvrđeni iznos premije osiguranja. Potrebno je praviti razliku između tri lica koja se pojavljuju kod ugovora o osiguranju života, "ugovarača osiguranja", koji zaključuje ugovor o osiguranju sa osiguravačem, "osiguranika", odnosno lice čiji se život osigurava i "korisnika osiguranja", odnosno lice kojem se isplaćuje osigurana suma kod nastupanja osiguranog slučaja. Najčešće se kao ugovarač osiguranja kod ugovora o osiguranju života pojavljuje upravo osiguranik i uvijek isključivo fizičko lice. Ugovor o osiguranju života je aleatoran ugovor u smislu da ugovarač osiguranja, često nije siguran koliko dugo će vršiti uplate premije osiguranja, odnosno, hoće li, kada će i u kom obimu nastupiti osigurani slučaj, što u određenoj mjeri stvara nesigurnost i neizvjesnost na strani ugovarača osiguranja. Radi se o potpuno neravnomernom odnosu dviju ugovornih strana koji je vidljiv već kod same faze zaključenja ugovora gdje ugovaraču osiguranja nije ostavljena mogućnost pregovaranja o pojedinim odredbama ugovora koji je „sastavio“ osiguravač u statusu profesionalca, kao „jača“ ugovorna strana. Isto tako, radi se o ugovoru koji se zaključuje na duži vremenski period, s tim da, ugovarač osiguranja svoju glavnu obavezu, plaćanje premije, ispunjava dosta ranije, dok se ispunjenje obaveze osiguravača odgađa do nastupanja osiguranog slučaja. U ovom radu dat je prikaz na koji način se mogu otkloniti ili bar ublažiti početne nejednakosti, neravnomernosti ugovornih strana, koje pravne instrumente zaštite predviđa domaći zakonodavac i na koji način ih je moguće koristiti, te u kome pogledu i na koji način bi trebalo "pojačati" zaštitu i direktno unijeti veću pravnu sigurnost potrošačima usluga osiguranja. Ključne riječi: osiguranje života, potrošač usluga osiguranja, ugovorno pravo osiguranja.</p>
Datum	14.10.2020
Predsjednik	Dr.sci. Mirela Čokić-Džinić, vanr.prof., Uža naučna oblast „Građansko-pravna“, Pravni fakultet Univerziteta u Tuzli
Mentor	Dr.sci. Anita Petrović, vanr. prof. , Uža naučna oblast „Građansko-pravna“ Pravni fakultet Univerziteta u Tuzli
Član komisije	Dr.sci. Jasmina Alihodžić, vanr. prof., Uža naučna oblast „Građansko-pravna“, Pravni fakultet Univerziteta u Tuzli
Član komisije	-
Član komisije	-
Zamjenski član	Dr.sci. Hamid Mutapčić, vanr.prof. Uža naučna oblast „Građansko-pravna“, Pravni fakultet Univerziteta u Tuzli
Dodatni detalji i lokacija	dana 14.10.2020. godine sa početkom u 13,00 sati na Pravnom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.